

SESS ⚡ BIKER ⚡ NEWS



***** KW36/2021 *****

***** MIT ELLA IM SÜDWESTSCHWARZWALD *****

Am 21. August be i mit da Ella mol alloi auf der **Südwest Schwarz-
Wald** Tour gwäse, start in LE. Erstes Ziel war da **Titsee**, Bärenal-
Seite, zur Fotosäschen ☺ Dann isches weitergange über St. Peter un
St. Märgen, Glottertal nach **Kenzingen**, unsre Geburtsstadt. Nadier-
lich gohts do immer erschdmol zum **Wonnetäler Brunne**. Des
war früher unser Plantschbecke un Treffpunkt fürs ganze Viertel. Dann isches weider
gange, über Wagenstadt, Bleichheim auf da Streitberg,
die Strecke bin i scho als 14 jähriger midem Fahrrad da
Berg nuf gfare (eigentlich meh gscho) ☹ Des isch
heut wesendlich oifacher midem Mobed ☺ **Kaffe** gabs
nur an da Tanke, aber zum trinke mußte ma naussize, im Shop wared gefühlt „Minusgrade“ No sema halt vor die
Diar uf da Gehweg. Umfem Hoimweg in Horb noch a Eis gschlozd, dann locker anderhalb Stund hoim gfare ☺ ☺

***** Die gleiche Tour wie oben mit Otto & Klaus *****

Uf die Sekunde gnau hama da Otto in Balinge am Treffpunkt troffe ☺
Da Otto wollt die Tour unbedingt mol fahre, und da Klaus war dann au
sofort wieder dabei. Mir sin dann a baar Km später so richtig **verstrubeld**
wore, weil die B27 teilweis gschberrt war. Danoch sama dann aber zü-
gig am Titisee ohkomme, do isch dann imma Mittagspause von der Tour

Dann gings au wieder durchs Glottertal durch Kenzingen und
Eine Ortschaft weiter nach Herbolzheim zum Helmut, des isch
isch der Bruader vom Otto. Dui 2 habe dann schon vorher ab-
ggschbroche gahbd, daßes do dann a 2. Mittagesse und a Kaffee
gibt, und des war richtig guad, **Steaks direkt vom Grill** mit alle
Beilage, Salat und vor allem au Radler. Hinterher dann au glei

Kaffee und Kuache. Zum schwäze hods nadierlich au viel gebe. Den Helmut
hab i au scho seit 48 Jahr neme gsäh, so wie beim Otto au. Do sind wirklich
wieder unsere ganze Jugendstreichie auf da Tisch komme, manche hab i mitler
weil au scho vergesse ghabd ☺ Nached Kaffee sema dann noch beim Onkel
vom Otto (un Helmut) vorbeigfahre. Der spielt au in meine Läbe eina wichtige
Rolle: der **Onkel (Lothar)** isch en Schulkamerd von meinem ältere Bruder, also
10 Jahr älter wie ich. Un jez kommds, **beim Lothar hab Rosy kenneglernt**, vor
fascht 50 Jahr. Für mich war die Tour eine sozusage „**Back to the Roots**“ Tour

Der Redaktör hat novas : Wima so sieht, isch da Otto in unserem **SESS-Biker-Team** ganz gut ufgnom-
me worde und er fühlt sich do au ganz wohl. Mir Whatsappe jeden Tag mitnander. Vielleicht kann er
au mol bei uns bei den Frankreich Touren mitfahren oder zu den „1000 Wikinger und Meer“ mitfahre.
Würde mich freuen wenn des mol klappe däd ☺

